

漢  
魏  
叢  
書

大戴禮序

右大戴禮十三卷總十四篇隋志所載亦十三卷而夏小正別為卷唐志但云十三卷而每夏小正之別矣崇文總目則十卷而云三十五篇無諸本可正定也蓋自漢興得先儒所記

禮書凡二百四篇戴德刪之為八十  
五篇謂之大戴禮戴聖又刪德之書  
為四十九篇謂之小戴禮今立之學  
官者小戴書也然大戴篇始三十九  
終八十一當為四十三篇中間缺者  
四篇而重出者一篇

兩篇七  
十三

其上不見

者猶三十八篇復不能合於八十五  
篇之數豈但當為八十一邪其缺者或  
既逸其不見者抑聖所取者也然哀  
公問投壺二篇与小戴書無甚異禮  
察篇与經解亦同管子大孝篇与祭  
義相似則聖已取之篇豈其又無所

刑者也勸學禮三本見於荀卿子至  
取舍之說及保傳則見於賈誼甄  
與經子同者尚多有之按儒林傳德  
事孝宣嘗為信都太傅聖則為九江  
太守今德書乃題九江太守未知何  
所據也大抵漢儒所傳皆出於七十

子之徒後之學者僅習小戴記不知  
大戴書矣其探索陰陽窮析物理推  
本性命雜言禮樂之辨器數之詳必  
有自來以是知聖門之學無不備也  
予家舊傳此書嘗得范太史家一本  
校之篇卷悉同其訛缺謬誤則不敢

改益懼其寢久而傷又加舛也乃刊  
置建安郡齊庶可致焉

淳熙乙未歲後九月潁川韓元吉書

大戴禮記目錄

卷第一

主言第三十九

哀公問五義第四十

哀公問於孔子第四十一

禮三本第四十二

卷第二

禮察第四十六

夏小正第四十七



卷第三

保傳第四十八

卷第四

曾子立事第四十九

曾子本孝第五十

曾子立孝第五十一

曾子大孝第五十二

曾子立父母第五十三

卷第五

曾子制言上第五十四

曾子制言中第五十五

曾子制言下第五十六

曾子疾病第五十七

曾子天圓第五十八

卷第六

武王踐阼第五十九

衛將軍文子六十

卷第七

五帝德第六十二

帝繫第六十三

勸學第六十四

卷第八

張子問入官第六十五

盛德第六十六

明堂第六十七

卷第九

千乘第六十八

四代第六十九

虞戴德第七十

誥志第七十一

卷第十

文王官人第七十二

諸侯遷廟第七十三

諸侯釁廟第七十四

卷第十一

小辨第七十四

用兵第七十五

少間第七十六

卷第十二

朝事第七十七

投壺第七十八

卷第十三

公符第七十九

本命第八十

易本命第八十一

錄目卷終

大戴禮記卷第一

漢 梁人戴德著

明 新安程榮校

主言第三十九

哀公問五義第四十

哀公問於孔子第四十一

禮三本第四十二

主言第三十九

孔子閒居曾子侍孔子曰參今之君子惟士與大夫

之言之間也其至於君子之言者甚希矣於乎吾主  
言其不出而死乎哀哉曾子起曰敢問何謂主言孔  
子不應曾子懼肅然摳衣下席曰弟子知其不孫也  
得夫子之間也難是以敢問也孔子不應曾子懼退  
負序而立孔子曰參女可語明主之道與曾子曰不  
敢以爲足也得夫子之間也難是以敢問孔子曰吾  
語女道者所以明德也德者所以尊道也是故非德  
不尊非道不明雖有國焉不教不服不可以取千里  
里一本雖有博地衆民不以其地治之不可以霸王  
作理

是故昔者明主內脩七教外行三至七教脩焉可以  
守三至行焉可以征七教不脩雖守不固三至不行  
雖征不服是故明主之守也必折衝乎千里之外其  
征也衽席之上還師是故內修七教而上不勞外行  
三至而財不費此之謂明主之道也曾子曰敢問不

費不勞可以爲明乎孔子愀然揚麋

麋一作眉

曰參女以

明主爲勞乎昔者舜左禹而右臯陶不下席而天下  
治夫政之不中君之過也政之旣中令之不行職事  
者之罪也明主奚爲其勞也昔者明主關譏而不征



市廛而不稅稅十取一使民之力歲不過三日入山

澤以時有禁而無征

一時入山澤以時而  
不禁夫圭曰無征

此六者取

財之路也明主捨其四者而節其二者明主焉取其

費也曾子曰敢問何謂七教孔子曰上敬老則下益

孝上順齒則下益悌上樂施則下益諒上親賢則下

擇友上好德則下不隱

一作上好德  
則下隱

上惡貪則下耻

爭上強果則下廉耻民皆有別則貞則正亦不勞矣

此謂七教七教者治民之本也教定是正矣上者民

之表也表正則何物不正是故君先立於仁則大夫

忠而士信民敦工璞商慤女憧婦空空七者教之志也七者布諸天下而不窅內諸尋常之室而不塞是故聖人等之以禮立之以義行之以順而民棄惡也如灌曾子曰弟子則不足道則至矣孔子曰參姑止又有焉昔者明主之治民有法必別地以州之分屬而治之然後賢民無所隱暴民無所伏使有司日省如時考之歲誘賢焉則賢者親不省懼使之哀鰥寡養孤獨恤貧窮誘孝悌選賢舉能此七者修則四海之內無刑民矣上之親下也如腹心則下之親上也

如保子之見慈母也上下之相親如此然後令則從  
施則行因民既邇者說遠者來懷然後布指知寸布  
手知尺舒肘知尋十尋而索百步而堵三百步而里  
千步而井三井而句烈三句烈而距五十里而對百  
里而有都邑乃爲畜積衣裘焉使處者恤行者有興  
亡是以蠻夷諸夏雖衣冠不同言語不合莫不來至  
朝覲於王故曰無市而民不乏無刑而民不違畢弋  
田獵之得不足以盈宮室也徵歛於百姓非以充府庫  
也慢怛以補不足禮節以損有餘故曰多信而寡貌

其禮可守其信可復其跡可履其於信也如四時春  
秋冬夏其博有萬民也如饑而食如渴而飲下土之  
人信之夫暑執凍寒遠若邇非道邇也及其明德也  
是以兵革不動而威用利不施而親此之謂明主之  
守也折衝乎千里之外此之謂也曾子曰敢問何謂  
三至孔子曰至禮不讓而天下治至賞不費而天下  
之士說至樂無聲而天下之民和明主篤行三至故  
天下之君可得而知也天下之士可得而臣也天下  
之民可得而用也曾子曰敢問何謂也孔子曰昔者

明主以盡知天下良士之名既知其名又知其數既知其數又知其所在明主因天下之爵以尊天下之士此之謂至禮不讓而天下治因天下之祿以富天下之士此之謂至賞不費而天下之士說天下之士說則天下之明譽興此之謂至樂無聲而天下之民和故曰所謂天下之至仁者能合天下之至親者也所謂天下之至知者能用天下之至和者也所謂天下之至明者能選天下之至良者也此三者咸通然後可以征是故仁者莫大於愛人知者莫大於知賢

政者莫大於官賢有土之君修此三者則四海之內拱而俟然後可以證明主之所征必道之所廢者也彼廢道而不行然後誅其君致其征弔其民而不奪其財也故曰明主之征也猶時雨也至則民說矣是故行施彌博得親彌衆此之謂衽席之上乎還師

哀公問五義第四十

魯哀公問於孔子曰吾欲論吾國之士與之爲政何如者取之孔子對曰生乎今之世志古之道居今之俗服古之服舍此而爲非者不亦鮮乎哀公曰然則

今夫章甫句屨紳帶而搢笏者此皆賢乎孔子曰否  
不必然今夫端衣玄裳冕而乘路者志不在於食輦  
斬衰藺屨杖而歆粥者志不在於飲食故生乎今之  
世志古之道居今之俗服古之服舍此而爲非者雖  
有不亦鮮乎哀公曰善何如則可謂庸人矣孔子對  
曰所謂庸人者口不能道善言而志不邑邑不能選  
賢人善士而託其身焉以爲已憂動行不知所務止  
立不知所定日選於物不知所貴從物而流不知所  
歸五鑿爲政心從而壞若此則可謂庸人矣哀公曰

善何如則可謂士矣孔子對曰所謂士者雖不能盡道術必有所由焉雖不能盡善盡美必有所處焉是故知不務多而務審其所知行不務多而務審其所由言不務多而務審其所謂知既知之行既由之言既順之若夫性命肌膚之不可易也富貴不足以益貧賤不足以損若此則可謂士矣哀公曰善何如則可謂君子矣孔子對曰所謂君子者躬行忠信其心不買仁義在己而不害不知聞志廣博而色不伐思慮明達而辭不爭君子猶然如將可及也而不可及



也如此可謂君子矣哀公曰善敢問何如謂賢人矣  
孔子對曰所謂賢人者好惡與民同情取舍與民同  
統行中矩繩而不傷於本言足法於天下而不害於  
其身躬爲匹夫而願富貴爲諸侯而無財如此則可  
謂賢人矣哀公曰善敢問何如可謂聖人矣孔子對  
曰所謂聖人者知通乎大道應變而不窮能測萬物  
之情性者也大道者所以變化而凝成萬物者也情  
性也者所以理然不然取舍者也故其事大配乎天  
地參乎日月雜於雲蜺惣要萬物穆穆純純其莫之

能循若天之司莫之能職百姓淡然不知其善若此則可謂聖人矣哀公曰善孔子出哀公送之

哀公問於孔子第四十一

哀公問於孔子曰大禮何如君子之言禮何其尊也孔子曰丘也小人何足以知禮君曰否吾子言之也孔子曰丘聞之也民之所由生禮爲大非禮無以節事天地之神明也非禮無以辨君臣上下長幼之位也非禮無以別男女父子兄弟之親昏姻䟽數之交也君子以此之爲尊敬然然後以其所能教百姓不

廢其會節有成事然後治其雕鏤文章黼黻以嗣其  
順之然後言其喪筭備其鼎俎設其豕腊修其宗廟  
歲時以敬祭祀以序宗族則安其居處醜其衣服卑  
其宮室車不雕幾噐不刻鏤食不貳味以與民同利  
昔之君子之行禮者如此公曰今之君子胡莫之行  
也孔子曰今之君子好色無厭淫德不倦荒怠教慢  
固民是盡忤其衆以伐有道求得當欲不以其所古  
之用民者由前今之用民者由後今之君子莫爲禮  
也孔子侍坐於哀公哀公曰敢問人道誰爲大孔子

愀然作色而對曰君及此言也百姓之德也固臣敢  
無辭而對人道政爲大公曰敢問何謂爲政孔子對  
曰政者正也君爲正則百姓從政矣君之所爲百姓  
之所從也君所不爲百姓何從公曰敢問爲政如之  
何孔子對曰夫婦別父子親君臣嚴三者正則庶民  
從之矣公曰寡人雖無似也願聞所以行三言之道  
可得而聞乎孔子對曰古之爲政愛人爲大所以治  
愛人禮爲大所以治禮敬爲大敬之至也大昏爲大  
大昏至矣大昏旣至冕而親迎親之也親之也者親

之也是故君子與敬爲親舍敬是遺親也弗愛不親  
弗敬不正愛與敬其政之本與公曰寡人願有言然  
冕而親迎不已重乎孔子愀然作色而對曰合二姓  
之好以繼先聖之後以爲天地社稷宗廟之主君何  
謂已重乎公曰寡人固不固焉得聞此言也寡人欲  
問不得其辭請少進孔子曰天地不合萬物不生大  
昏萬世之嗣也君何以謂已重焉孔子遂有言曰內  
以治宗廟之禮足以配天地之神明出以治直言之  
禮足以立上下之敬物恥足以振之國恥足以興之

爲政先禮禮者政之本與孔子遂言曰昔三代明王之政必敬其妻子也有道妻也者親之主也敢不敬與子也者親之後也敢不敬與君子無不敬也敬身爲大身也者親之枝也敢不敬與不能敬其身是傷其親傷其親是傷其本傷其本枝從而亡三者百姓之象也身以及身子以及子配以及配君子行此三者則愾乎天下矣大王之道也如此國家順矣公曰敢問何謂敬身孔子對曰君子過言則民作辭過動則民作則君子言不過辭動不過則百姓不命而敬

恭如是則能敬其身能敬其身則能成其親矣公曰  
敢問何謂成親孔子對曰君子也者人之成名也百  
姓歸之名謂之君子之子是使其親爲君子也是爲  
成其親名也已孔子遂言曰古人爲政愛人爲大不  
能愛人不有其身不能有其身不能安土不能安土  
不能樂夫不能樂天不能成身公曰敢問何謂成身  
孔子對曰不過乎物公曰敢問君何貴乎天道也孔  
子對曰貴其不已如日月西東相從而不已也是天  
道也不閉其久也是天道也無爲物成是天道也已

成而明是天道也公曰寡人蠢愚冥煩子識之心也  
孔子蹴然避席而對曰仁人不過乎物孝子不過乎  
物是仁人之事親也如事天如事親是故孝子  
成身公曰寡人既聞是言也無如後罪何孔子對曰  
君之及此言也是臣之福也

禮三本第四十二

禮有三本天地者性之本也先祖者類之本也君師  
者治之本也無天地焉生無先祖焉出無君師焉治  
三者偏亡無安之人故禮上事天下事地宗事先祖



而寵君師是禮之三本也王者天太祖諸侯不敢懷  
大夫士有常宗所以別貴始德之本也郊止天子社

止諸侯道及士大夫

一本有荀子云

所以別尊卑尊者事尊

卑者事卑宜鉅者鉅宜小者小也故有天下者事七  
世有國者事五世有五乘之地者事三世有三乘之  
地者事二世待年而食者不得立宗廟所以別積厚  
者流澤光積薄者流澤卑亦如之大饗尚玄尊俎生  
魚先大羹貴飲食之本也大饗尚玄尊而用酒食先  
黍稷而飯稻粱祭饗大羹而飽乎庶羞貴本而親用

貴本之謂文親用之謂理兩者合而成文以歸太一  
夫是謂大隆故尊之尚玄酒也俎之生魚也豆之先  
大羹也利省之不卒也成事之俎不嘗也三侑之不  
食也一也大昏之未發齊也廟之未納尸也始卒之  
未小歛也大路車之素幘也郊之麻冕也喪服之先  
散帶一也三年之哭不文也清廟之歌一倡而三歎  
也縣一磬而尚拊搏朱弦而通越一也凡禮始於脫  
成於文終於隆故至備情文俱盡其次情文佚興其  
下復情以歸太一天地以合四時以恰日月以明星

辰以行江河以流萬物以倡好惡以節喜怒以當以  
爲下則順以爲上則明萬變不亂貸之則喪

大戴禮記卷第一

大戴禮記卷第二

漢 梁人戴德著

明 新安程榮校

禮察第四十六

夏小正第四十七

禮察第四十六

孔子曰君子之道譬猶防與夫禮之塞亂之所從生也猶防之塞水之所從來也故以舊防爲無用而壞之者必有水敗以舊禮爲無所用而去之者必有亂

患故婚姻之禮廢則夫婦之道苦而淫辟之罪多矣  
鄉飲酒之禮廢則長幼之序失而爭鬪之獄繁矣聘  
射之禮廢則諸侯之行惡而盈溢之敗起矣喪祭之  
禮廢則臣子之恩薄而倍死忘生之禮衆矣凡人之  
知能見已然不能見將然禮者禁將然之前而法者  
禁於已然之後是故法之用易見而禮之所爲生難  
知也若夫慶賞以勸善刑罰以懲惡先王執此之正  
堅如金石行此之信順如四時處此之功無私如天  
地爾豈顧不用哉然如曰禮云禮云貴絕惡於未萌

而起敬於微眇使民日徙善遠罪而不自知也孔子曰聽訟吾猶人也必也使無訟乎此之謂也爲人主計者莫如安審取舍取舍之極定於內安危之萌應於外也安者非一日而安也危者非一日而危也皆以積然不可不察也善不積不足以成名惡不積不足以滅身而人之所行各在其取舍以禮義治之者積禮義以刑罰治之者積刑罰刑罰積而民怨倍禮義積而民和親故世主欲民之善同而所以使民之善者異或導之以德教或歐之以法令導之以德教

者德教行而民康樂歐之以法令者法令極而民哀  
戚哀樂之感禍福之應也我以為秦王之欲尊宗廟  
而安子孫與湯武同然則如湯武能廣大其德久長  
其後行五百歲而不失秦王亦欲至是而不能持天  
下十餘年即大敗之此無他故也湯武之定取舍審  
而秦王之定取舍不審也易曰君子慎始差若毫釐  
繆以千里取舍之謂也然則為人主師傅者不可以  
日夜明此問為天下如何曰天下器也今人之置器  
置諸安處則安置諸危處則危而天下之情與器無

以異在天子所置爾湯王置天下於仁義禮樂而德澤洽禽獸草木廣育被蠻貊四夷累子孫十餘世歷年久五六百歲此天下之所共聞也秦王置天下於法令刑罰德澤無一有而怨毒盈世民憎惡如仇讎既幾及身子孫誅絕此天下之所共見也夫用仁義禮樂爲天下者行五六百歲猶存用法令爲天下者十餘年卽亡是非明敷大驗乎人言曰聽言之道必以其事觀之則言者莫敢妄言今子或言禮義之不如法令教化之不如刑罰人主胡不承殷用秦事以



觀之手

夏小正第四十七

正月啓蟄言始發蟄也鴈北鄉先言鴈而後言鄉者何也見鴈而後數其鄉也鄉者何也鄉其居也鴈以北方爲居何以謂之爲居生且長焉爾九月遯鴻鴈先言遯而後言鴻鴈何也見遯而後數之則鴻鴈也何不謂南鄉也曰非其居也故不謂南鄉記鴻鴈之遯也如不記其鄉何也曰鴻不必當小正之遯者也雉震响震也者鳴也响也者鼓其翼也正月必雷雷

不必聞惟雉爲必聞之何以謂之雷則雉震响相識以雷魚陟負冰陟升也負冰云者言解蟄也農緯厥耒緯束也束其耒云爾者用是見君之亦有耒也初歲祭耒始用暢也

暢一作暢

其用初云爾暢也者終歲之

用祭也言是月之始用之也初者始也或曰祭韭也

圃有韭圃也圃之燕者也時有俊風俊者大也大風

南風也何大於南風也曰合冰必於南風解冰必於

南風生必於南風收必於南風故大之也寒曰滌凍

塗滌也者變也變而煖也凍塗者凍下而澤上多也

田鼠出田鼠者噉鼠也記時也農率均田率者循也  
均田者始除田也言農夫惡除田也獺祭魚其必與  
之與疑作謂獻何也曰非其類也祭也者得多也善其祭  
而後食之十月豺祭獸謂之祭獺祭魚謂之獻何也  
豺祭其類獺祭非其類故謂之獻大之也鷹則爲鳩  
鷹也者其殺之時也鳩也者非其殺之時也善變而  
之仁也故其言之也曰則盡其辭也鳩爲鷹變而之  
不仁也故不盡其辭也農及雪澤言雪澤之無高下  
也初服于公田古有公田焉者古言先服公田而後

服其田也采芸爲廟采也鞠則見鞠者何也星名也  
鞠則見者歲再見爾初昏參中蓋記時也云斗柄縣  
在下言斗柄者所以著參之中也柳梯梯也者發孛  
也梅杏柶桃則華柶桃山桃也緹縞也者莎隨也緹  
也者其實也先言緹而後言縞者何也緹先見者也  
何以謂之小正以著名也鷄桴粥粥也者相粥之時  
也或曰桴姬伏也粥養也二月往稷黍禫禫單也初  
俊羔助厥母粥俊也者大也粥也者養也言大羔能  
食草木而不食其母也羊羔非其子而後養之善養

而記之也或曰憂有養祭祭也者用羔是時也不足  
喜樂喜羔之爲生也而記之與羊牛腹時也綏多女  
士綏安也冠子取婦之時也丁亥萬用入學丁亥者  
吉日也萬也者干戚舞也入學也者大學也謂今時  
大舍采也祭鮪祭不必記記鮪何也鮪之至有時美  
物也鮪者魚之先至者也而其至有時謹記其時榮  
黃菜色菜繁田胡繁田胡者繁母也繁萬勃也皆豆  
實也故記之昆小蟲抵蜥昆者衆也田魂螺也者動  
也小蟲動也其先言動而後言蟲者何也萬物是動

而後著括猶推也。蜺蠃卵也。爲祭醢也。取之則必推之。推之必不取。取必推而不言。取來降燕。乃睇燕乙也。降者下也。言來者何也。莫能見其始出也。故曰來降。言乃睇何也。睇者眇也。眇者視可爲室者也。百鳥皆曰巢窠。穴取與之室何也。糝泥而就家人人內也。剝鱗以爲鼓也。有鳴倉庚。倉庚者商庚也。商庚者長股也。榮芸時有見梯。始收有見梯而後始收。是小正序也。小正之序時也。皆若是也。梯者所爲豆實。

三月參則伏伏者非忘之辭也。星無時而不見。我有

不見之時故曰伏云攝桑桑攝而記之急桑也委

委

作楊楊則花而後記之犂羊羊有相還之時其類犂

犂然記變爾或曰犂羝也鼓則鳴鼓天螻也頒冰頒

冰者分冰以授大夫也采識識草也妾子始蠶先妾

而後子何也曰事有漸也言自卑事者始執養宮事

執操也養長也祈麥實麥實者五穀之先見者故惡

祈而記之也越有小旱越于也記是時恒有小旱田

鼠化爲鴛鴦鶴也變而之善故盡其辭也鴛爲鼠變

而之不善故不盡其辭也拂桐芭拂也者拂也桐芭

之時也或曰言桐芭始生貌拂拂然也鳴鳩言始相命也先鳴而後鳩何也鳩者鳴而後知其鳩也

四月昴則見初昏南門正南門者星也歲再見壹正蓋大正所取法也鳴扎扎者寧縣也鳴而後知之故先鳴而後扎圍有見杏園者山之燕者也鳴蠖蠖也者或曰屈造之屬也王荇莠取荼荼也者以爲君薦蔣也莠幽越有大旱記時爾執陟攻駒執也者始執駒也執駒也者離之去母也執而升之君也攻駒也者教之服車數舍之也



五月參則見參也者牧星也故盡其辭也浮游有殷  
殷衆也浮游殷之時也浮游者渠略也朝生而暮死  
稱有何也有見也鳩則鳴鳩者百鷦也鳴者相命也  
其不辜之時也是善之故盡其辭也時有養白養長  
也一則在本一則在末故其記曰時養日之也乃瓜  
乃者惡瓜之辭也瓜也者始食瓜也良蜩鳴良蜩也  
者五采具隱之興五日翕望乃伏其不言生而稱興  
何也不知其生之時故曰興以其興也故言之興五  
日翕也望也者月之望也而伏云者不知其死也故

謂之伏五日也者十五日也翕也者合也伏也者入而不見也啓灌藍蓼啓者別也陶而䟽之也灌者聚生者也記時也鳩爲鷹唐蜩鳴唐蜩鳴者匿也初昏大火中大火者心也心中種黍菽糜時也煮梅爲豆實也蓄蘭爲沐浴也菽糜以在經中文言之時何也是食矩闕而記之頒馬分夫婦之駒也將間諸則或取離駒納之則法也

矩闕一作短闕  
夫婦一作夫卿

六月初昏斗柄正在上五月大火中六月斗柄正在上用此見斗柄之不在當心也蓋當依依尾也煮桃

桃也者。他桃也。他桃也者。山桃也。煮以爲豆實也。鷹始擊。始擊而言之何也。諱煞之辭也。故擊云。

七月。莠藿葦未秀。則不爲藿葦。秀然後爲藿葦。故先言莠。捭子肇。肆肇始也。肆遂也。言其始遂也。其或曰肆殺也。湟潦生萃。湟下處也。有湟然後有潦。有潦而後有萃。草也。蕤死爽也者。猶䟽也。萃。秀萃也者。有馬帚也。漢案戶。漢也。案戶也者。直戶也。言正南北也。寒蟬鳴。蟬也者。蜩螿也。初昏。織女正東。鄉時有霖雨。灌荼灌聚也。荼。藿葦之秀。爲蔣楮之也。藿未秀。爲蒹葦。

未秀爲蘆斗柄縣在下則旦

八月剥氐畜瓜之時也玄校玄也者黑也校也者若綠色然婦人未嫁者衣之剥棗剥也者取也粟零零也者降也零而後取之故不言剥也丹鳥羞白鳥丹鳥者謂丹良也白鳥者謂蚊蚋也其謂之鳥也重其養者也有翼者爲鳥羞也者進也不盡食也辰則伏辰也謂星也伏也者入而不見也鹿人從者從群也鹿之養也離群而善而之離而生非所知時也故記從不記離君子之居幽也不言或曰人人從也者大

者於外小者於內率之也駕爲鼠參中則旦  
九月內火內火也者大火大火也者心也遷鴻鴈遷  
往也主夫出火主夫也者主以時縱火也陟玄鳥螿  
陟升也玄鳥者鷺也先言陟而後言螿何也陟而後  
螿也能罷貍貉鼯鼯則大若螿而榮鞠鞠草也鞠榮  
而樹麥時之惡也王始裘者何也衣裘之時也辰繫  
于日雀入于海爲蛤蓋有矣非常入也

十月豺祭獸善其祭而後食之也初昏南門見南門  
者星名也及此再見矣黑鳥浴者何也鳥浴也者飛

乍高乍下也時有養者長也若曰之長也玄雉入于  
淮爲蜺蜺者蒲蘆也織女正北鄉則具織女星名也  
十有一月王狩狩者言王之時田冬獵爲狩陳助革  
陳助革者省兵甲也嗇人不從不從者弗行於時月  
也萬物不通隕麋角隕墜也曰冬至陽氣至始動諸  
何生皆蒙蒙符矣故麋角隕記時焉爾

十有二月鳴弋弋也者禽也先言鳴而後言弋者何  
也鳴而後知其弋也玄駒賁玄駒也者螳也賁者何  
也走於地中也納卵蒜卵蒜也者本如卵者也納者

何也納之君也虞人入梁虞人官也梁者主設罟罟  
者也隕麋角蓋陽氣旦睹也故記之也

大戴禮記卷第二

大戴禮記卷第三

漢 梁人戴德著

明 新安程榮校

保傳第四十八

殷爲天子三十餘世而周受之

凡三十  
一世

周爲天子三

十餘世而秦受之

凡三十  
七世

秦爲天子二世而亡人性

非甚相遠也

孔子曰  
性相近

何殷周有道之長而秦無道之

暴

暴卒  
疾也

其故可知也古之王者太子及生固舉之禮

古即殷  
周時也

使士負之

上其  
吉也

有司參夙興端冕見之南郊



見之天也

參職謂三月朝也  
端正也冕服之正

過闕則下

敬君典  
法之處

過廟

則趨

遙闕故下  
望廟則趨

孝子之道也故自爲赤子時教固以

行矣昔者周成王幼在襁褓之中召公爲太保周公

爲太傅太公爲太師

武王崩成王十有三也而  
云在襁褓之中言其小

保保

其身體

保謂安  
守之

傳傳其德義

傳猶  
敷也

師導之教順

師傳  
之教

大同也師主於訓道傳即受而述之書叙  
曰周公爲師召公爲保相成王爲左右也

此三公之

職也

今尚書說三公司馬司徒司空也尚書反周禮  
說而文與此同故先儒論者多依此爲說也

於是爲置三少皆上大夫也

卿也謂  
之孤也

曰少保少傅少

師是與太子宴者也

記者因成王幼稚周公居攝又  
以王少漸賢聖之訓長終封禪

之美故據其成事成事同於太子而始  
未叙之取明殷周之隆師友爲先也  
故孩提

三少又親

近故孩提而教之

三公三少固明孝仁禮義以導習之也逐

去邪人不使見惡行於是比選天下端士孝悌閑博  
有道術者以輔翼之使之與太子居處出入故太子  
乃目見正事聞正言行正道左視右視前後皆正人  
夫習與正人居不能不正也猶生長於楚不能不楚  
言也故擇其所嗜必先受業乃得嘗之擇其所樂必  
先有習乃得爲之

恐其懈墮故以所味好而誘之

孔子曰少成若性

習貫之爲常

言人性本雖無善少教成之若天性自然也周書曰習之爲常自氣血始

此

殷周之所以長有常道也

其太子幼擇師友亦然

及太子少長

知妃色則入于小學小者所學之宮也

古者太子八歲入小學十

五入太學也

學禮曰帝入東學上親而貴仁則親踈有序

始恩相及矣帝入南學上齒而貴信則長幼有差始

民不誣矣帝入西學上賢而貴德則聖智在位而功

不匱矣帝入北學上貴而尊爵則貴賤有等而始下

不踰矣

成王年十五亦入諸學觀禮市政故引天子之禮以言之四學者東序幣宗黨庠及四郊

之學也春氣溫養故上親夏物成小大殊故上齒秋物成實故責德冬時物藏於地唯象於天半見也故

尚爵也

帝入太學承師問道退習而端於太傅太傅罰

其不則而達其不及則德智長而理道得矣此五義

者既成於上則百姓黎民化緝

輯一作緝

於下美學成治

就此殷周之所以長有道也

成王學並於正三公及也獨云太傅學中言

及

太子既冠成人免於保傅之嚴則有司過之史有徹

虧膳之宰

太子齒於學有撻楚之威成王雖幼固與成人等且王既冠

太子有過

史必書之史之義不得不書過不書過則死過書而

宰徹去膳夫膳宰之義不得不徹膳不徹膳則死於

是有進善之旂

堯置之令進善者立於旂下也

有誹謗之木

堯置之使書政

之德

有敢諫之鼓

舜置之使諫擊之以自聞也

鼓史誦詩

賈誼云敢諫之

鼓箏史誦詩然箏與鼓  
聲誤也夜及謂字誤工誦正諫  
工樂人也箏官長誦謂隨其過誦詩

以諷大夫諫足  
之義使於箏叟士傳民語習與智長故切而不攘  
量知

受業故雖  
勞能授也化與心成故中道若性  
觀心施化故變善如性也是殷

周所以長有道也三代之禮天子春朝朝日秋暮夕

月  
祭日東壇祭月西壇故以別內外以端其位所以明有別也  
教天下之臣也春

秋入學坐國老執誓而親饋之  
中春舍菜合饗仲秋班學合聲天子視學

而遂所以明有孝也  
教天下之孝也行中鸞和步中采芡  
一作

齊趨中肆夏  
車亦應樂節步又中珷聲互言之也爾雅曰堂上謂之行門外謂之趨周禮及

王纁曰行以肆夏趨以采芡此云步中采芡趨中肆  
夏又云行以采芡趨以肆夏則於大寢之內奏采芡

朝廷之中奏肆夏與周禮文誤也

所以明有度也

教天下儀也

於禽獸見

其生不食其死聞其聲不嘗其肉故遠庖厨

王繅曰凡血氣

之類弗身踐

所以長恩且明有仁也

皆先正於已

食以禮

男俎豆傳

列及嗜之等

徹以樂

於飲食之間又不忘禮樂

失度則史書之工誦之

三公進而讀之宰夫減其膳是天子不得爲非也

失

敬禮樂之度也

明堂之位曰篤仁而好學多聞而道慎天子

疑則問應而不窮者謂之道道者導天子以道者也

常立於前是周公也誠立而敢斷輔善而相義者謂

之充充者充天子之志也常立於左是太公也

言能忠誠

有立而果

於斷割 紮廉而切直匡過而諫邪者謂之弼弼者

拂天子之過者也常立於右是召公也博聞強記接

給而善對者謂之承承者承天子之遺忘者也常立

於後是史佚也

接給謂應所問而給也史佚周太史尹佚也立道於前承於後置充於左

列諫於右順名義也道者有疑則問故或謂之疑充者輔善故或謂之輔

故成王中立而

聽朝則四聖維之是以慮無失計而舉無過事殷周

之前以長久者其輔翼天子有此具也及秦不然其

俗固非貴辭讓也所尚者告得也

賈誼云所上者告評也然得字之誤

也固非貴禮義也所尚者刑罰也故趙高傅胡亥趙高

宦者秦車府令胡亥而教之獄所習者非斬剗人則始皇少子二世也

夷人三族也故今日即位明日射人忠諫者謂之誹

謗深爲計者謂之詖誣昔伊尹諫夏桀桀笑曰子爲

先王爲定國其視殺人若艾草菅然豈胡亥之性惡

哉彼其所以習導非其治故也鄙語曰不習爲吏如

視已事觀前成事也古諺云前事之不忘後事之師也鄙猶今言俗語然也又曰前車

覆後車誠夫殷周所以長久者其已事可知也然如

不能從是不法聖知也秦世所以亟絕者其轍迹可

見也然而不辭者是前車覆而後車必覆也夫存亡

大義也



之敗治亂之機其要在是矣天下之命懸於天子天

子之善在於早諭教與選左右心未疑而先教諭則

化易成也心未疑謂朱有所知時也夫開於道術知義理之指則

教之功也若夫服習積貫則左右已胡越之人生而

同聲嗜慾不異及其長而成俗也叅數譯而不能相

通行雖有死不能相爲者教習然也生而聲及其長者重譯而

之不能使言語相通嗜慾不異至於成俗其所行故有死之可畏猶不相放爲者皆未習使之然也

曰選左右早諭教最急夫教得而左右正左右正則

天子正矣天子正而天下定矣孟子曰君正莫不正也君正而國定也

書曰一人有慶萬民賴之此時務也

時猶是也

天子不論

先聖王之德不知國君畜民之道不見禮義之正不  
察應事之理不博古之典傳不閑於威儀之數詩書

禮樂無經學業不法凡是其屬太師之任也天子無

恩於父母不惠於庶民無禮於大臣不中於制獄

無

作無經於百官不哀於喪不敬於祭不信於諸侯不

誠於戎事不誠於賞罰不厚於德不強於行賜與侈

於近臣鄰愛於疏遠卑賤不能懲忿窒慾

言不勝其情易曰居

子以懲忿窒慾

不從太師之言凡是之屬太傅之任也天子

處位不端受業不敬言語不序聲音不中律

聲有準乃中律

進退節度無禮

節度或為即席

升降揖讓無容周旋俯仰視

瞻無儀安顧咳唾趨行不得

趨或為走

色不比順隱琴瑟

隱祿也言按禮樂之器

凡此其屬太保之任也天子宴瞻其學

小師與天子宴者也

左右之習及其師

左右所習之不顯於師也

答遠方諸

侯不知文雅之辭應群臣左右不知已諾之正簡聞

小誦不傳不習凡此其屬少師之任也天子居處出

入不以禮冠帶衣服不以制御器在側不以度縱上

下雜采不以章

惑於朱紫不以典章

忿怒說喜不以義賦與集

讓不以節凡此其屬少傅之任也天子宴私安如易

自放縱也

樂而湛

湛以樂

飲酒而醉食肉而餒

過其性也

飽而強

強猶強也

饑而慄

慄貪踐也

暑而渴寒而嗽寢而莫宥坐而莫

侍行而莫先莫後天子自爲開門戶取玩好自執噐

皿亟顧環面

環短也

御噐之不舉不載凡此其屬少保

之任也號呼歌謔聲音不中律宴樂雅誦送樂序

輕用

雅調也凡禮不同樂各有秩苟從所好亂其次聲樂之失任在太史者樂應天也國語曰吾非瞽史焉知

天道也

不知日月之時節不知先王之諱與大國之忌

周禮小史職曰若有事則詔王之忌諱也

不知風雨雷電之青凡此其屬

大史之任也易曰正其本萬物理失之毫釐差之千

里故君子慎始也

號易說言也

春秋之元詩之關雎禮之

冠婚易之乾以皆慎始敬終云爾

元者氣之始也夫婦化之始也冠婚

人之始也乾以物之始也獲麟春秋終也頌者詩之終也吉禮禮之終也未濟易之終也此其重始令終之義也以言人道當謹始而責終也

素誠繁成謹爲子孫娶妻嫁女必

擇孝悌世世有行仁義者如是則子孫慈孝不敢媿

暴黨無不善三族輔之

三族父族母族妻族

故曰鳳凰生而有

仁義之意虎狼生而有貪戾之心兩者不等名以其

毋嗚呼戒之哉無養乳虎將傷天下

謂居號斯言

故曰素

成胎教之道書之玉板藏之金匱置之宗廟以爲後

世戒

斯王業隆替之所由也當重而秘之故置於宗廟藏以金匱也青史氏之記曰

上曰青史子

古者胎教王后腹之七月而就宴室

宴室邦室於宴

寢也亦曰側室自王后已下有子月震女史皆以金環止御王后比七月說宴夫人婦嬪卽以三月就其側室皆閉房而處也王后以七月爲節者君聽天下之內政自諸侯已下妻同之也太史持銅

而御戶左太宰持升而御戶右

太史替者宗伯之屬下大夫太宰膳夫也

冢宰之屬上士二人言大宰因諸侯之稱也比及三

樂爲陽故在左飲食爲陰故在右升所以斟

月者王后所求聲音非禮樂則太師縕瑟而稱不習  
謂逆序若淫聲所求滋味者非正味則太宰倚升而言曰不

敢以待王太子

謂非秩若不時緼  
瑟傳并示不用

太子生而泣太師

吹銅曰聲中某律

貴中  
月管

太宰曰滋味上某

上某  
時味然后

卜名上無取於天

謂吳旻  
之事

下無取於墜

謂神州  
及社稷

中無

取於名山通谷無拂於鄉俗

言不苟易  
於鄉俗也

是故君子名

難知而易諱也此所以養恩之道

謂避後  
之諱

古者年八

歲而出就外舍學小藝焉履小節焉束髮而就大學

學大藝焉履大節焉

小學謂庠門師庠門一作虎門  
保之學也大學王宮之東者東

髮謂成童白虎通曰八歲入小學十五入大學是也  
此太子之禮尚書太傳曰公卿之太子大夫元氏嫡  
子年十三始入小學見小節而踐小義年二十八入  
大學見大節而踐大義此王子入學之期也又曰十五

年入小學十八入大學者謂諸子姓既成者至十五  
入小學其早成者十八入大學內則曰十年出就外  
傳居宿於外學書計者謂  
公卿已于教子於家也 居則習禮文行則鳴珮玉

升車則聞和鸞之聲是以非僻之心無自入也在衡  
爲鸞在軾爲和馬動而鸞鳴鸞鳴而和應聲曰和和  
則敬此御之節也上車以和鸞爲節下車以珮玉爲

度上有雙衡下有雙璜

衡平也半壁曰璜

衝牙

衝在中牙在傍

玼珠

以納其間

納於衡璜之間玼亦作璜

琺瑯以雜之

總曰玼珠而赤者曰琺瑯白者曰

琺瑯或曰瑤美玉居石次玉

行以采茨趨以肆夏步環中規折還中

矩進則揖

揖一作厭

之退則揚之然后玉鏘鳴也古之爲



路車也蓋圓以象天二十八椽以象列星

椽蓋也

方

以象地三十幅以象月故仰則觀天文俯則察地理

前視則睹鸞和之聲側聽則觀四時之運

謂視輪也車爲月

此中車教之道也

中車宗伯之屬下大夫二人自青史氏已下太子之事也

周后

妃任成王於身立而不跛

跛一作跛

坐而不羗獨處而不

倨雖怒而不詈胎教之謂也

大任孕文王目不視惡色耳不聽淫聲口不起

惡言故君子謂大任爲能胎教也古者婦人孕子之

禮寢不側坐不邊蹕不食邪味割不正不食席不正

不坐目不視邪色耳不聽淫聲誦詩道正事如此則

形容端心平正才過人矣任子之時必慎所感感於善則善感於惡則惡也

成王生仁者養之

謂乳母也孝者緦之

謂保母也

四賢傍之

謂慈母及子師

成王有知而選太公爲師周公爲

傅此前有與計

謂諸公也

而後有與慮也是以封泰山而

禪梁甫朝諸侯而一天下猶此觀之王左右不可不

練也

白虎通曰王者易姓而起必升到太山報告之義天以高爲尊地以厚爲德故增太山之高以

報天附梁甫之厚以報地明以成功事就有益於天

地若高者加高而廣者增厚矣尚書中候曰昔者聖

主功成道洽符出乃封太山禮緯曰刑法格藏世作

頌聲封於太山考績柴燎禪於梁甫魁石紀號英炳

巍巍功平世教白虎通又曰王始起日月尚促德化

未宣獄訟未息近不治遠不安故太平巡狩也素占

授命之君太平然後行巡守封禪之事者諒有義也

禹殷湯周成王而已其封山之禮要於岱禪地之義

別以云釋其故何也以岱宗東方之岳非所易者其

大武禮記 卷之三

於眾山可因義取尚敬自虎通以釋澤者爲無窮之意亭亭者爲德法審著凡封禪之禮固於恒霍及繼體之君獨言太山及受命者舉其始也封謂負土石於大山之陰壇而祭天也禪謂除地於梁甫之陰爲壇以祭地也變

昔者禹以夏王桀以夏亡湯以殷王

紂以殷亡闔廬以吳戰勝無敵夫差以見禽於越

夫差

內不紂子胥之忠諫外結怨於諸侯无德罷百姓故終縊於勾踐也

文公以晉國霸而

厲公以見殺於匠黎之宮

厲公有駟陵之會而驕暴無道及遊於匠黎氏之家

爲樂書中行假劫而幽之諸侯百姓不哀救三月而死也

威王以齊強於天下而

簡公以弑於檀

一有彙字

臺檀臺名也簡公悼公之子齊侯王也威王陳敬仲之後田

常之六世孫田和之孫也田常弑簡公至和爲齊侯其孫號稱王大強於天下

穆公以顯名

尊號二世以刺於望夷之宮

穆公秦伯任好也德公少子宣公之季第其

孫孝公曰昔我穆公自岐之間修德行武東平晉亂以河爲界西霸戎翟地廣千里天子致伯諸侯畢賀顯名尊號謂此也望夷宮在長陵西北長平觀東臨涇水作之以望北夷二世常夢白虎齧其左髻殺之心不樂乃問占夢者卜言涇水爲崇二世就望夷之宮而祠焉趙高爲丞相二世以天下兵寇之事而責之趙懼誅遂使其婿閻樂將士卒殺之望夷宮之名其所以君王同而功迹不

等者所任異也

君謂齊晉王謂夏殷

故成王處纒抱之中朝諸

侯周公用事也武靈王五十而弑沙丘任李兌也

武靈

王甫侯之子趙武王也舍其太子章而立王子何自號爲王後有太子難李兌圍之於沙丘終滅於沙宮也沙丘今在趙齊桓公得管仲九合諸侯

國語曰兵車之屬六

乘車之一

匡天下

匡正也謂陽穀之會施四教於諸侯

再為義王

陽穀與召

也失管仲任豎刁狄牙身死不葬而為天下笑一人

之身榮辱具施焉者在所任也

葬之為言藏也管仲死桓公任豎刁狄牙

使專國政桓公卒二子各欲立其所傳之公子而諸

子並爭國亂無主桓公屍在牀積六十七日十二月

乙亥其子無詭立乃棺赴焉五日辛巳夜殯至九月而後葬矣故魏有公子無忌而

削地復得公子無忌信陵君也時魏地多為秦所并削安釐王二十六年秦昭王卒三十年信

陵君率五國之兵攻秦而敗之復得其地趙得藺相如而秦不敢出藺相

惠文王之相也嘗以和氏之璧使於秦完璧而歸及

澠池之會又偪秦王為趙王擊正是以秦人憚焉故

曰趙有藺相如強秦不敢闖兵阱陸

安陵任周贍而國人獨立

諸記多為唐雖

又賈子胎教與此同安或爲隱或云秦破韓威魏而應陵君獨以五十望國存者周瞻唐睢之力楚

有申包胥而昭王反復

昭王爲闔廬敗於相莒而越在草莽包胥棄糧跪走請救

秦遂得甲車千乘步卒十萬敗吳師於濁上王反而國存

參有田單襄王得其國

襄王閔王之子章也初齊之敗楚使悼齒將兵救齊因相閔王悼齒遂殺閔王其子章變易姓名爲莒太史齒去莒中齊三臣相聚求閔王之子欲立之於是莒人共立法章爲襄王也以保莒城而布告齊國曰既立在於莒也襄王五年而卒田單以即墨之師攻破燕迎襄王於莒入臨菑齊故地盡復屬齊封田單爲安平君

由是觀之無賢佐俊仕而能成功立名安危繼

絕者未之有也是以國不務大而務得民心佐不務多而務得賢臣得民心者民從之有賢佐者士歸之

文王請除炮烙之刑而殷民從

昔紂爲長夜之飲百姓怨望諸侯有叛之

者紂乃重刑辟有炮烙之法文王出牖里求以洛西之田請除炮烙之刑紂乃許之

湯去張網

者之三面而二番至

湯常出田見野張網四面祝曰自下上四方皆入吾網湯曰噫

盡之矣乃去其三面而祝曰欲左欲右不用命者乃入吾網諸侯聞之曰湯德至矣乃及禽獸於是朝商者三十國二垂謂天地之際言感通處遠淮南子曰文王砥德修政二垂至

越王不頽舊

家而吳人服

蓋句踐也

以其前爲慎於人也

皆得民心也

故同

聲則異而相應意合則未見而相親賢者立於本朝

而天下之豪相率而趨之也

從其類也故詩有伐木之歌易有拔茅之喻也

何以知其然也管仲者桓公之讎也

乾時之役管仲射桓公中其鈞

鮑叔以爲賢於已而進之相公七十言說乃聽遂使

相公除仇讎之心而委之國政焉相公垂拱無事而

朝諸侯鮑叔之力也垂拱言無所指麾者也管仲之所以比走

相公而無自危之心者同聲於鮑也齊在魯北衛靈公之

時蘧伯玉賢而不用迷子瑕不肖而任事彌當聲誤爲迷也因

言賢者歿猶得士也史鮪患之數言蘧伯玉賢而不聽病且死

謂其子曰我即死言死於今日即就治喪於北堂吾生不能

進蘧伯玉而退迷子瑕是不能正君者死不當成禮

而置屍於北堂於我足矣靈公往弔問其故其子以



父言聞靈公造然失容

造馬驚慘之貌

曰吾失矣立召遽伯

玉而貴之

進之為卿

召迷子瑕而退徙喪於堂成禮而後

去衛國以治史鮪之力也

成禮復王室

夫生進賢而還不

肖死且未止又以屍諫可謂忠不衰矣

故論語曰紂直哉史魚

殺王子比干而箕子被髮陽狂

比干諫而死箕子曰知不用而言愚也殺

其身以彰君之惡名不忠也二者不可然且為之不祥莫大焉解衣被髮為狂而去之

靈公殺

泄冶而鄧元去陳以族從

凡諸侯之卿大夫有功德者則命之立族使其子

之以守宗廟鄧元知陳之必亡故以族去昔官之奇諫虞不從亦族行之

自是之後殷并

於周陳亡於楚以其殺比干與泄冶而失箕子與鄧

元也

紂以文王十二年殺比干十三年爲武王滅陳靈公魯宣九年殺泄治十一年而楚子縣焉

燕昭王得郭隗而鄒衍樂毅以齊至

昭王易王之子燕王平也能師

事郭隗而爲之立宮室於是修先君之怨爲齊以朶士也韓詩外傳以有至者昭王欲修先君之怨爲齊以求士也韓詩外傳云以魏齊至之於是舉兵而攻齊樓閔王於莒

閔王

威王之孫宣王之子齊王也閔王三十年昭王與晉楚合謀而伐齊齊師大敗樂毅爲上將遂入臨淄閔王出奔於衛衛不安去之鄒魯又不納焉遂去於莒也

燕支地計衆不與齊均

也然如所以能申意至於此者由得士也

支猶計也昭王曰孤

極知燕小力不足以報也然得賢士以之共國以雪先耻孤之願也

故無常安之國無

宜治之民得賢者安存失賢者危亡自古及今未有

不然者也

故韓詩外傳曰賢者之所在其明鏡者所君未嘗不尊其國未嘗不安也

以察形也往古者所以知今也

詩云殷監不遠在夏后之世

夫知

惡古之危亡不務襲迹於其所以安存則未有異於却走而求及於前人也太公知之故與微子之後而封比干之墓夫聖人之於當世存者乎其不失可知

也

與微子之後封比干之墓於本紀樂記云太公者公共之也而猶汝矣

凡二章

新別

凡三千五百五十四字

大戴禮記卷第三

大戴禮記卷第四

漢 梁人戴德著

明 新安程榮校

曾子立事第四十九

曾子本孝第五十

曾子立孝第五十一

曾子大孝第五十二

曾子事父母第五十三

曾子立事第四十九

曾子曰君子攻其惡

計其失

求其過

省其身

彊其所不能

去私欲從事於義可謂學矣君子愛日以學及時以

行難者弗辟易者弗從唯義所在日且就業夕而自

省思以歿其身亦可謂守業矣君子學必由其業

必請問必以其序問而不決承問觀色而復之

雖不說亦不彊爭也

雖不說未解不彊爭

君子既學之患其不

博也既博之患其不習也既習之患其無知也既知

之患其不能行也既能行之貴其能讓也

貴不以已能而競於

人君子之學致此五者而已矣

五者爲患其不博不習無知不能行能以

讓君子博學而辱守之辱小貌不務大微言而篤行之行必

先人言必後人君子欲訥於言而敏於行君子終身守此悒悒悒悒

憂念也行無求數有名事無求數有成數猶促速身言之後

人揚之身行之後人秉之非法不言言則爲人輔之非德不行行則爲人安之

君子終身守此憚憚憚憚憂惶也君子不絕小不殄微也

殄亦絕也行自微也不微人人知之則願也人不知苟吾

自知也君子終身守此匆匆也匆匆猶勉勉君子禍之爲

患辱之爲畏見善恐不得與焉見不善者恐其及已

也論語曰見善如不及見惡如探湯是故君子疑以終身疑善之不及與惡之及

也君子見利思辱見惡思詬詬耻也嗜慾思耻忿怒思

患故愚惑者朝忿忘身君子終身守此戰戰也君子慮勝氣血氣

勝則周身故君子有三戒思而後動論而後行行必思言之貴其可談

言之必思復之論語曰信近於義言可復也思復之必思無悔

言思唯可復亦可謂慎矣人信其言從之以行以信不虛人信

其行從之以復易曰終日乾乾反復其道復宜其類詩云宜爾室家樂爾妻孥

類宜其年詩云樂只君子萬壽無期亦可謂外內合矣君子疑則

不言未問則不言兩問則不行其難者君子患難除

之財色遠之流言滅之禍之所由生自熾熾也是故

君子夙絕之君子已善亦樂人之善也已能亦樂人

之能也已雖不能亦不以援人君子好人之爲善而

弗趣也不促速之惡人之爲不善而弗疾也疾其過

而不補也補謂改也飾其美而不伐也顏淵曰願無伐善伐則不

益補則不改矣君子不先人以惡不疑人以不信謂不

億不信不逆詐不說人之過成人之美說解存往者在來者

在猶存也朝有過夕改則與之夕有過朝改則與之君子

義則有常善則有隣德不孤見其一冀其二見其小冀

其大苟有德焉亦不求盈於人也言器君子不絕人



之歡不盡人之禮

通飲食之饋序其歡也簡服物之禮令其忠也

來者不豫

往者不慎也

慎故於物來者不猶豫往者無所慎

去之不謗

以義去之就之

不賂

以道往也

亦可謂忠矣君子恭而不難安而不舒遜

而不諂寬而不縱惠而不儉直而不徑

徑行夷狄之道

亦可

謂知矣

知一作無私

君子入人之國不稱其諱不犯其禁

諱國諱禁國禁

不服華色之服

服法

不稱懼惕之言故曰與

其奢也寧儉與其倨也寧句

倨猶慢也句以喻敬

可言而不信

寧無言也君子終曰言不在尤之中小人一言終身

爲罪君子亂言而弗殖

風絕

神言弗致也

惟力亂神子所不語

道遠日益云衆信弗主靈言弗與

道遠日益積習之也不主謂僉議所

同不爲主

人言不信不和

不台忠信之道

君子不唱流言不折辭

言不苟折窮人辭也

不陳人以其所能言必有主行必有法

依前

言往行也

親人必有方

方猶常也

多知而無親

無所親行

博學而無

方好多而無定者君子弗與也君子多知而擇焉博

學而算焉多言而慎焉

多言者謂時事須殺也言雖多而皆慎焉

博學而

無行進給而不讓好直而徑儉而好倥者君子不與

也

倥塞也言好直即太徑爲儉又大逼塞於下也

夸而無耻彊而無憚好勇

而忍人者君子不與也亟達而無守

亟數也數自好達而無所守

名而無體

無容體

忿怒而爲惡

不以爲惡或曰無惡而怒

足恭而口

聖而無常位者君子弗與也巧言令色能小行而篤

難於仁矣嗜酤酒好謳歌巷遊而鄉居者乎吾無望

焉耳

無可望也尚書大傳曰古者聖帝之治天下也五十已下非蒸社不敢遊飲唯六十以上遊飲

也出入不時言語不序安易而樂暴懼之而不恐說

之而不聽雖有聖人亦無若何矣臨事而不敬

情於從事

居喪而不哀祭祀而不畏

不畏其神

朝廷而不恭則吾無

由知之矣三十四十之間而無藝即無藝矣五十而

不以善聞矣

終可知

七十而無德雖有微過亦可以勉

矣

言其過不大也

其少不諷誦其壯不論議其老不教誨亦

可謂無業之人矣少稱不第爲耻也壯稱無德爲辱

也老稱無禮爲罪也過而不能改倦也

倦傾病人行而不

能遂耻也

謂不能終也

慕善人而不與焉辱也弗知而不

問焉固也

固專固也

說而不能窮也喜怒異慮惑也不能

行而言之誣也非其事而居之矯也道言而飾其辭

虛也

謂道聽東言文飾其辭也

無益而厚受祿竊也好道煩言亂

也殺人而不戚焉賊也人言不善而不違

色順之也

近於

說其言

說古通以爲悅字

說其言殆於以身近之也

殆危之言危於

以身近之殆於以身近之殆於身之矣危周人言善而色

蕙焉近於不說其言蕙焉不悅不悅其言殆於以身

近之也近當字殆於以身近之殆於身之矣故目者

心之浮也言者行之指也作於中則播於外也心見

也言目故曰以其見者占其隱者謂心故曰聽其言也

可以知其所好矣觀說之流可以知其術也流謂部

術久而復之可以知其信矣觀其所愛親可以知其

人矣臨懼之而觀其不恐也怒之而觀其不悾也喜

之而觀其不誣也悾亂也近諸色而觀其不踰也飲

誣吏也

食之而觀其有常也利之而觀其能讓也居哀而觀

貞也

文王曰省其喪觀其貞良也

居約而觀其不營也動勞之而

觀其不擾人也君子之於不善也身勿爲能也色勿

爲不可能也

無奈形於色也

色也勿爲可能也心思勿爲不

可能也太上樂善

太上德之寂上者謂其心不爲也

其次安之

其次德之

次者謂其色不爲也

其下亦能自彊

謂其身不爲太上謂五帝其次謂三王其下謂五霸

孟子曰堯舜性之湯武身之五霸假之

仁者樂道

上者率其性也

智者利道

次者

利而爲也

愚者從弱者畏不愚不弱執誣以彊亦可謂棄

民矣

自執而輕於害

太上不生惡

無爲過之意也

其次而能夙絕之

也有意而隨絕之其下復而能改也既爲而能改之復而不改殞身

覆家大者傾覆社稷是故君子出言以鄂鄂鄂鄂辨厲也論

語曰其言之不作其後爲之難行身以戰戰亦殆勉於罪矣是故君

子爲小由爲大也常思正也居由仕也故曰父母爲嚴君子孫爲臣民也

備則未爲備也恒謙虛也而勿慮存焉不忘危也事父可以事

君事兄可以事師長使子猶使臣也使弟猶使承嗣

也承嗣謂冢子也能取朋友者亦能取所予從政者矣賜與

其宮室亦猶慶賞於國也忿怒其臣妾亦猶用刑罰

於萬民也是故爲善必自內始也內人怨之雖外人

亦不能立也

大學曰欲治其國先齊其家居家治則移官亦理也

居上位而不

淫臨事而栗者鮮不濟矣

淫

先憂事者後樂事先樂

事者後憂事昔者天子日且思其四海之內戰戰唯

恐不能又

又治也

諸侯日且思其四封之內戰戰唯恐

失損之大夫士日且思其官戰戰唯恐不能勝庶人

日且思其事戰戰唯恐刑罰之至也是故臨事而栗

者鮮不濟矣

福福唯人宜其慎也是以易有履虎之言詩有臨淵之誠

君子之於

子也愛而勿面也

不形於面

使而勿貌也

不以貌勞俸之

導之以

道而勿強也宮中雍雍外焉肅肅兄弟愔愔朋友切切



論語曰朋友切切兄弟怡怡也遠者以貌近者以情友以立其所

能而遠其所不能苟無失其所守亦可與終身矣

凡一千七百六十字

曾子本孝第五十

曾子曰忠者其孝之本與孝子不登高不履危敬父母之

遺體故跬步未敢忘其親痺亦弗憑不苟笑不苟訾隱不命人有

不許臨不指凡居上不為惑衆故不在尤之中也孝子惡言

死焉死且不行流言止焉美言興焉故惡言不出於口煩

言不及於已故孝子之事親也居易以俟命處安易也道以

聽命也

不與儉行以徼幸孝子游之暴人違之

就其常也春秋

左傳

出門而使不以或爲父母也

不爲事或貽憂於父母也

險塗

隘巷不求先焉以愛其身以不敢忘其親也

身者親之枝也

可不敬乎

孝子之使人也不敢肆行不敢自專也父死三

年不敢改父之道

故曰三年無改於父之道可謂孝矣

又能事父之朋

友又能率朋友以助敬也

使敬其父母也

君子之孝也以正

致諫

諫卿大夫

士之孝也以德從命庶人之孝也以力惡

食

分地任力致甘美

任善不敢臣三德

謂三者之孝三德三老也白虎通曰不臣

三老

故孝之於親也生則有義以輔之道

喻於

死則哀

以蒞焉

蒞臨

祭祀則蒞之以敬如此而成於孝子也

曾子立孝第五十一

曾子曰君子立孝其忠之用禮之貴

有忠與禮孝通立

故爲

人子而不能孝其父者不敢言人父不能畜其子者  
爲人弟而不能承其兄者不敢言人兄不能順其弟  
者爲人臣而不能事其君者不敢言人君不能使其  
臣者也

不可以已能而責人之不能况以所不能

故與父言言畜子與子

言言孝父與兄言言順弟與弟言言承兄與君言言

使臣與臣言言事君

士相見禮曰與君言言使臣與大夫言言事君與老者言言使

弟子與幼者言言孝父兄與衆言言慈祥與莅官者言言忠信也

君子之孝也忠愛

以敬反是亂也盡力而有禮莊敬而安之微諫不倦

聽從而不怠懽欣忠信咎故不生可謂孝矣盡力無

禮則小人也

豈小人而已哉乃犬馬之養

致敬而不忠則不入也

是故禮以將其力敬以入其忠飲食移味

隨所欲也

居處

溫愉著心於此濟其志也子曰可人也吾任其過

吾知其能自

取過

不可人也吾辭其罪詩云有子七人莫慰母

心子之辭也

衛詩凱風之末章也七子自責仕過之辭

夙興夜寐無忝爾

所生言不自舍也

小雅小菟之四章也申可以人之義也

不耻其親君

子之孝也是故未有君而忠臣可知者孝子之謂也

未有長而順下可知者弟弟之謂也

孝經曰以孝事君則忠以敬事

長則

未有治而能仕可知者先脩之謂也故曰孝子

善事君弟弟善事長君子一孝一悌可謂知終矣

凡三章別新凡三百二十四字

曾子大孝第五十二

曾子曰孝有三大孝尊親其次不辱其下能養公明

儀問於曾子曰夫子可謂孝乎

公明儀曾子弟子

曾子曰是

何言與是何言與君子之所謂孝者先意承志諭父

母於道

凡言於事親未意則先善舉之親君有志則敬而奉之

參直養者也安

能爲孝乎身者親之遺躰也行親之遺體敢不敬乎

故居處不莊非孝也事君不忠非孝也蒞官不敬非

孝也朋友不信非孝也戰陣無勇非孝也五者不遂

災及其身

身一作親

敢不敬乎故烹熟鮮

一作羶

香嘗而進

之非孝也養也君子之所謂孝者國人皆稱願焉曰

幸哉有子如此所謂孝也民之本教曰孝

孝經曰夫孝德之本

也教之所由生也

其行之曰養

謂致衣食省安否

養可能也敬爲難

敬可能也安爲難

以忠禮將也

安可能也久爲難久可能

也卒爲難父母旣歿慎

一作順

行其身不遺父母惡名

可謂能終也

謂能卒也

夫仁者仁此者也義者宜此者也

忠者中此者也信者信此者也禮者體此者也行者

行此者也彊者彊此者也樂自順此生刑自反此作

夫孝者天下之大經也夫孝置之而塞於天地衡之

而衡於四海

置猶立也衡猶橫也

施諸後世而無朝夕

言常推行也

而放諸東海而準推而放諸西海而準推而放諸南

海而準推而放諸北海而準

九夷八蠻七戎六狄謂之四海放猶至準猶平

也詩云自西自東自南自北無思不服此之謂也

大雅

文王有聲之六章也

孝有三大孝不匱

詩云孝子不匱求錫爾類也

中孝用

勞

勞猶功也

小孝用力博施備物可謂不匱矣尊仁安義

可謂用勞矣慈受忘勞可謂用力矣父母愛之喜而

不忘父母惡之懼而無怨父母有過諫而不逆

當柔聲下

氣也父母既歿以哀祀之加之如此謂禮終矣

哀謂服之二年

祀謂春秋享之

樂正子春下堂而傷其足傷瘵數月不出猶

有憂色門弟子問曰夫子傷足瘵數月不出猶有

憂色何也樂正子春曰善如爾之問也吾聞之曾子

曾子聞諸夫子曰天之所生地之所養人爲大矣父



母全而生之子全而歸之可謂孝矣

孝經曰天地之性人為貴人之

行莫大於孝也

不虧其體可謂全矣故君子頃步之不敢忘

也

鞋當聲誤為頃今予忘夫孝之道矣予是以有憂色故君

子一舉足不敢忘父母一出言不敢忘父母一舉足

不敢忘父母故道而不徑

不由徑也

舟而不游不敢以先

父母之遺體行殆也

殆危也

一出言不敢忘父母是故

惡言不出於口忿言不及於已然后不辱其身不憂

其親則可謂孝矣草木以時伐焉禽獸以時殺焉夫

子曰伐一木殺一獸不以其時非孝也

夫子孔子

凡三章 新別 凡六百五十五字

曾子事父母第五十三

單居離問於曾子曰事父母有道乎

單居離曾子弟子也

曾子

曰有愛而敬父母之行若中道則從若不中道則諫

諫而不用行之如由已

且俯從所行而思諫道也

從而諫非孝

也

同父母之非不匡諫

諫而不從亦非孝也

徒以義諫而行不從

孝子之

諫達善而不敢爭辨爭辨者作亂之所由興也

內則曰父

母有過正氣怡色柔聲以諫諫若不入起敬起孝說則復諫

由已爲無咎則寧

謂順

諫由已爲賢人則亂

謂爭辨賢與無若立相足

孝子無私樂父母

所憂憂之父母所樂樂之孝子唯巧變故父母安之

若夫坐如尸立如齊弗訊不言齊謂祭祀時訊問也言必齊色

嚴敬其色此成人之善者也未得爲人子之道也爲人父之事

單居離問曰事兄有道乎曾子曰有尊事之以爲已

望也謂儀象也兄事之不遺其言奉其所令兄之行若中道則

兄事之兄之行若不中道則養之養猶隱之養之內不養

於外則是越之也養之外不養於內則是疏之也是

故君子內外養之也單居離問曰使弟有道乎曾子

曰有嘉事不失時也訓冠娶也弟之行若中道則正以使

之

正以使之  
以弟道

弟之行若不中道則兄事之

且以兄  
禮敬之

事兄之道若不可然後舍之矣

屈事兄之然猶  
不變則怒罰之

曾子

曰夫禮大之由也不與小之自也

言大者得  
自由也

飲食以

齒

以長  
幼也

力事不讓辱事不齒執觴觶杯豆而不醉和

歌而不哀

觶器也實之曰觴杯盤盞盞盞  
之總名也豆醬器以木口登

夫弟者不

衡坐不苟越不干逆色趨翔周旋俛仰從命不見於

顏色未成於弟也

大戴禮記卷第四



大戴禮記卷第五

漢 梁人戴德著

明 新安程榮校

曾子制言上第五十四

曾子制言中第五十五

曾子制言下第五十六

曾子疾病第五十七

曾子天圓第五十八

曾子制言上第五十四

曾子曰夫行也者行禮之謂也夫禮貴者敬焉老者

孝焉幼者慈焉少者友焉賤者惠焉此禮也行之則

行也立之則義也今之所謂行者犯其上危其下衡

道而彊立之

衡橫也

天下無道故若

且自

天下有道則

有司之所求也

言爲法或所收誅也

故君子不貴興道之士而

貴有耻之士也若由富貴興道者與貧賤吾恐其或

失也

或猶惑也

若由貧賤興道者與富貴吾恐其羸驕也

夫有耻之士富而不以道則耻之貧而不以道則耻

之弟子無曰不我知也鄙夫鄙婦相會于廣陰可謂

審矣明日則或揚其言矣

中庸曰莫見於隱莫顯於微故君子慎其獨也

士執仁與義而明行之未篤故也胡爲其莫之聞也

殺六畜不當及親吾信之矣

凡終有時禮也

使民不時失國吾信之矣蓬生麻中不扶自直白沙在泥與之皆黑

古說云言扶心之者衆

是故人之相與也譬如舟車然相濟達

也已先則援之彼先則推之是故人非人不濟馬非

馬不走土非土不高水非水不流君子之爲第也行

則爲人負

分重合輕班白不任第達於道路也

無席則寢其趾

寢猶止也言裁

自容使之爲夫人則否

夫人行無禮也

近市無賈

無擊也在田



無野

田無廬也

行無據旅

守直道無所私

苟若此則夫杖可因篤

焉

言行如此則其所杖者皆可因厚焉

富以苟不如貧以譽

貧則常也義不可無

生以辱不如死以榮

見危致命死之榮也

辱可避避之而已矣

及其不可避也君子視死若歸

不苟免也

父母之讎不與

同生

生辱之不可避也曰禮曰父之讎弗與同戴天

兄弟之讎不與聚國

曰昆弟之讎仕不與共國其從父兄弟則不爲魁也

朋友之讎不與聚鄉

曲禮曰朋

友之讎不同國失厚矣

族人之讎不與聚隣

族人者謂絕屬者

良賈深

藏如虛君子有盛教如無

言珍寶深藏若虛君子懷德若愚也

弟子問

於曾子曰夫士何如則可以爲達矣曾子曰不能則

學疑則問欲行則比賢雖有險道循行達矣今之第

子病下人不知事賢耻不知而又不問好責於人而不知自反也

欲作則其知不足是以惑聞惑聞終其世而已矣是

謂窮民也曾子門弟子或將之晉曰吾無知焉曾子

曰何必然往矣有知焉謂之友日友無知焉謂之主

且客之而巳且夫君子執仁立志先行後言千里之外皆

爲兄弟故曰君子何患無兄弟也苟是之不爲則雖汝親庸孰能

親汝乎庸用也孰誰也

凡三章新別凡五百七十字

曾子制言中第五十五

曾子曰君子進則能達退則能靜豈貴其能達哉貴其有功也豈貴其能靜哉貴其能守也夫唯進之何

功退之何守

問君子進退其功守如何

是故君子進退有二觀焉

信有二等可觀

故君子進則能益上之譽而損下之憂

謂其功也

不得志不安貴位不博厚祿負糶而行道凍餓而守

仁謂其守也則君子之義也其功守之義有知之則

願也莫之知苟吾自知也吾不仁其人雖獨也吾弗

親也

人而不仁不足友也故周公曰不如我者吾不與處損我者也與我等吾不與處無益我者也

吾所與處者  
必賢於我

故君子不假貴而取寵

不因人之貴  
苟求寵愛也

比譽而取食

不校名譽  
以束祿也

直行而取禮

行正則  
見禮也

比說而

取

一作  
言脩以

有說我則願也莫我說苟吾自說

也

說讀爲  
悅字

故君子無悒悒於貧無勿勿於賤無憚憚

於不聞

憚憚憂  
惶也

布衣不完蔬食不飽蓬戶穴牖日孜

孜

一作  
孳

上仁知我吾無訢訢不知我吾無悒悒是以

君子直言直行不宛言而取富不屈行而取位畏之

見逐智之見殺固不難拙身而爲不仁宛言而爲不

智則君子弗爲也

小人在朝多逐害於仁智者君  
子之人不托言行而懷其祿也

子雖言不受必忠曰道雖行不受必忠曰仁

謂發施言行於

君之前實善而君不納然猶忠誠勉行可謂仁道也

雖諫不受必忠曰智

猶忠誠而

詳天下無道循道而行衡塗而饋

衡橫也饋饋也手足不揜

四支不被手足節四支說者申慤慤耳詩云行有死

人尚或瑾之則此非士之罪也有士者之羞也是故

一作君子天下之爲仁則以仁爲尊也天下之爲富則以仁爲富也天下之爲貴則以仁爲貴也君

子以仁爲尊天下之爲富何爲富則仁爲富也天下

之爲貴何爲貴則仁爲貴也昔者舜疋夫也土地之

厚則得而有之人徒之衆則得而使之舜唯以得之

也是故君子將說富貴必勉於仁也昔者伯夷叔齊  
死於溝澮之間其仁成名於天下夫二子者居河濟  
之間非有土地之厚貨粟之富也伯夷叔齊孤竹君  
之子初無父母後  
交讓國遂遠北海之  
濱而終死於首陽言爲文章行爲喪綴於天下是  
故君子思仁義晝則忘食夜則忘寐日日就業夕而  
自省以役其身亦可謂守業矣

凡四百八十字

曾子制言下第五十六

曾子曰天下有道則君子訢然以交同天下無道則

衡言不革

衡于也言不苟合也

諸侯不聽則不干其土聽而不

賢則不踐其朝是以君子不犯禁而入入境及郊問

禁請命不通患而出危色

師敗不苛免也

則秉德之士不調

矣故君子不調富貴以爲已說不乘貧賤以居已尊

凡行不義則吾不事不仁則吾不長奉相仁義則吾

與之聚羣嚮爾

相助也

寇盜則吾與慮國有道則窾若

入焉

詩云鳩彼囊風爵彼北林也

國無道則窾若出焉

如大鳥奮翼而去也

如此之謂義夫有世義者哉曰義仁者殆恭者不入

殆危也仁者危之恭者又不受也

慎者不見使正直者則邇於刑弗

違則殆於罪

遠近

是故君子錯在高山之上深澤之

污聚橡粟藜藿而食之

藜藿

生耕稼以老十室之邑

是故昔者禹見耕者五耦而武過十室之邑則下爲

秉德之士存焉

不侮之也

### 曾子疾病第五十七

曾子疾病

疾困曰病

曾元抑首曾華抱足

元華其子

曾子曰微

乎吾無夫顏氏之言吾何以語汝哉然而君子之務

盡有之矣夫華繁而實寡者天也言多而行寡者人

也鷹鷂以山爲卑而曾巢其上魚鼈鼃鼉以淵爲淺



而蹙穴其中卒其所以得之者餌也

生生之厚動是之死地也

故君子苟無以利害義則辱何由至哉親戚不悅不敢外交近者不親不敢求遠小者不審不敢言大故人之生也百歲之中有疾病焉者老幼焉故君子思其不復者而先施焉親戚既歿雖欲孝誰爲孝年既耆艾雖欲弟誰爲弟故孝有不及弟有不時其此之謂與言不遠身言之主也行不遠身行之本也言有主行有本謂之有聞矣

知身是言行之基可謂聞

矣君子尊其所

聞則高明矣行其所聞則廣大矣高明廣大不在於

他在加之志而已矣與君子游必乎如入蘭芷之室

入而不聞則與之化矣與小人游貸乎如入鮑魚之

次久而不聞則與之化矣

離騷曰經鮑魚肆而失香也

是故君子

慎其所去就與君子游如長日加益而不自知也

如日

之長雖日加益而不自知也

與小人游如履薄冰每履而下幾何

而不乎哉吾不見好學盛而不衰者矣吾不見好教

如食疾子矣

言未見好教敬人之受如鋪疾子也

吾不見日省而月考

之其友者矣吾不見孜孜而與來而改者矣

謂擇善而改非也

也

曾子天圓第五十八

單居離問於曾子曰天負而地方者誠有之乎曾子

曰離而問之云乎

而猶汝也汝聞則言之也

單居離曰弟子不察

此以敢聞也曾子曰天之所生上首地之所生下首

人首員足方因繫之天地

上首之謂員下首之謂方

因謂天地爲方圓也周髀

曰方屬地圓屬天天天圓地方也淮南子曰天之負不中規地之方不中矩白虎通曰天鎮也其道曰圓地

諱也其道曰方如誠天圓而地方則是四角之不揜也且來吾語汝參嘗聞之夫子曰天道曰圓地道曰

方

道曰方圓耳非形也方曰幽而圓曰明

方者陰義而圓者陽理故以名天地也

明者吐氣者也是故外景

景古通以爲影字外景者陽道施也幽者含

氣者也是故內景

內景者陰道含藏也

故火曰外景而金水內

景

金質陰也

吐氣者施而含氣者化

施施也是以陽施而化體生

是以陽施而

陰化也陽之精氣曰神陰之精氣曰靈神者品物之

本也

神爲魂靈爲魄魂魄陰陽之精有生之本也及其死也魂氣上升於天爲神魄魄下降於地爲

鬼各反其所自出也

而禮樂仁義之祖也

樂由陽來禮由陰作仁近樂義近禮故陰

陽爲祖也而善否治亂所興作也陰陽之氣各靜其所則

靜矣偏則風

謂氣勝負

俱則雷交則電

自仲春至仲秋陰陽交泰故雷電也

亂則霧和則雨

偏則風而和則雨此謂一時之氣也至若春多雨則時所宜也

陽氣

勝則散爲雨露陰氣勝則凝爲霜雪陽之專氣爲電

陰之專氣爲霰霰雹者一氣之化也

陽氣在雨溫煖如陽陰氣薄之

不相入轉而爲雹陰氣在雨凝滯爲雪陽氣薄之不相入散而爲霰故春秋穀梁說曰雹者陰脅陽之象霰者陽脅陰之符也毛蟲毛而後生羽蟲羽而後生毛羽之蟲

陽氣之所生也介蟲介而後生鱗蟲鱗而後生介鱗

之蟲陰氣之所生也

言陰陽所生者舉其多也

唯人爲倮匈而後

生也

倮匈謂無毛羽與鱗介也

陰陽之精也

人受陰陽純粹之精有生之貴也凡僊蟲

則亦並陰陽氣而生也

毛蟲之精者曰麟羽蟲之精者曰鳳介

蟲之精者曰龜鱗蟲之精者曰龍倮蟲之精者曰聖

人龜龍麟鳳所謂四靈龍非風不舉龜非火不兆此皆陰陽之

際也龜龍爲陰風火爲陽陰陽會也茲四者所以役聖人之也謂爲之端

是故聖人爲天地主爲山川主爲鬼神主爲宗廟主

鬼神百祥也曰外說故在宗廟之上也 聖人慎守日月之數以察星辰

之行以序四時之順逆謂之曆審十二月分數於昏日定辰宿之中見與

伏以驗時節之懋否截十二管以宗八音之上下清濁謂之律

也八音八卦之音以律定八風之律居陰而治陽因

高下清濁而准配金石絲竹也律曆迭相治也曆以治時其

氣曆居陽而治陰因天律曆迭相治也律以候氣其

間不容髮其致聖人立五禮以爲民望五禮其別三

紀在制五衰以別親疎和五聲之樂以導民氣致樂以治

也合五味之調以察民情察猶利也正五色之位成五穀

之名五穀黍稷麻麥菽也序五牲之先後貴賤五牲牛羊豕犬

也所尚諸侯之祭牛曰太牢天子之大夫亦太牢太牢天子之牲角握諸侯角尺

大夫索牛也大夫之祭牲羊曰少牢天子之士亦少牢也士之祭牲

特豕曰饋食不言時牲其文已著又與大夫互相足也無祿者稷饋庶人無常

牲故以稷饋者無尸無尸者厭也宗廟曰芻豢牛羊

大豕稷爲主山川曰犧牲色純曰犧體完曰牲宗廟言豢山

爲豢色角尺其餘割列穰瘞割割牲也列編辜穰面穰也瘞埋也是有五牲

用戾索之

此之謂品物之本禮樂之祖善不惡亂之所由興作也

大戴禮記卷第五





大戴禮記卷第六

漢 梁人戴 德著

明 新安程 榮校

武王踐阼第五十九

衛將軍文子第六十

武王踐阼第五十九

武王踐阼三日

既下之後

召士大夫而問焉曰惡有藏之

約行之行萬世可以爲子孫常者乎

惡猶於何也言於何有約言而

行之乃行萬世而猶得其福

諸大夫對曰未得聞也然後召師尚

父而問焉曰黃帝顓頊之道存乎意亦忽不可得見

與

言忽然謂不得可見

師尚父曰在丹書王欲聞之則齊矣三

日王端冕師尚父亦端冕奉書而入負屏而立

端正也樹

謂之屏

王下堂南面而立師尚父曰先王之道不北面

王行西折而南東面而立師尚父西面道書之言曰

敬勝怠者吉怠勝敬者滅義勝欲者從欲勝義者凶

凡事不强則枉

凡事不能自強去執於此則枉也

弗敬則不正枉者

滅廢敬者萬世藏之約行之行可以爲子孫常者此

言之謂也

問先帝之道應聞要約之旨故對此而已

且臣聞之以仁得之

以仁守之其量百世以不仁得之以仁守之其量十

世以仁得之以仁守之以不仁得之以仁守之皆謂創基之君子百姓謂子孫無咎譽者於十百之外

天命即善與民其廢立大節依於此以不仁得之以不仁守之必及其

世謂止於其身也王門書之言暢若恐懼退而爲戒書託於物以

自警戒也於席之四端爲銘焉於機爲銘焉於鑑爲銘焉

於盥盤爲銘焉於楹爲銘焉於杖爲銘焉於帶爲銘

焉於履屨爲銘焉於觴豆爲銘焉於戶爲銘焉於牖

爲銘焉於劔爲銘焉於弓爲銘焉於矛爲銘焉席前

左端之銘曰安樂必敬安不志危前右端之銘曰無行可

悔當恭敬朝夕故後左端之銘曰一反一側亦不可

以忘言雖反側之間不可後右端之銘曰所監不遠視邇

所代周監不遠近機之銘曰皇皇惟敬口生咥也言

為君子榮辱之主可不慎乎咥咥詈也口戕口言口能害口也執者人

為戒鑑之銘曰見爾前慮爾後盥盤之銘曰與其溺

於人也寧溺於淵溺於淵猶可游也溺於人不可救

也日知所亡學者之功溺於民庶大人之楹之銘曰

母曰胡殘其禍將然母曰胡害其禍將大母曰胡傷

其禍將長夫為室者慎其楹君杖之銘曰惡乎危於

天下者難其相也

忿釁

惡於何也忿者危之道怒甲及乙又危之甚杖危故以危戒也

惡乎失道於嗜

慾

杖依道而行之

惡乎相忘於富貴

言身杖相資也因失道相忘乃嗜慾安樂之戒

也帶之銘曰火滅修容慎戒必恭恭則壽

雖夜解息其容不可

以也帶於寢先釋故因言之也

屨履之銘曰慎之勞勞則富

行慎恭勞躬勞

終福論慎屨亦財不費也履在下尤勞辱因爲此戒榮與富音義兩施互取焉

觴豆之銘曰

食自杖食自杖戒之慍慍則逃

無求醉飽自杖而已

戶之銘曰

夫名難得而易失無懃弗志而曰我知之乎無懃弗

及而曰我杖之乎

志識也杖立不能懲其驚息而自謂杖成功無可就故終失其名也

擾阻以泥之若風將至必先搖搖

搖搖無所託言雖有風而則先困

有聖人不能爲謀也

論人行諭亦然

牖之銘曰隨天時

任以也

地之財

質也

敬祀皇天敬以先時

先祭時而敬辭

劔之銘曰帶

之以爲服動必行德行德則興倍德則崩

以順誅也

弓之

銘曰屈伸之義廢興之行無忘自過

言得時也

矛之銘曰

造矛造矛少間弗忍終身之羞

重言造矛見造矛之不易也言少間之不忍則爲終身羞以君子

於殺之中禮恕存焉

予一人所聞以戒後世子孫

貽厥孫謀以燕子武王之詩也

凡三百六十五字

衛將軍文子第六十

衛將軍文子

文子衛卿也名弥牟

問於子貢曰

子貢端木賜也衛人衛之相也

吾聞夫子之施教也先以詩

論語曰先進於禮樂野人也後進於禮樂君子

也世道者孝悌說之以義而觀諸體成之以文德蓋

受教者七十有餘人

言能受教者謂七十二子也

聞之孰爲賢也

子貢對辭以不知文子曰吾子學焉何謂不知也子

貢對曰賢人無妄知賢則難故君子曰智莫難於知

人此以難也

書曰知人則哲惟帝其難之

文子曰若夫知賢人莫

不難吾子親游焉是敢問也子貢對曰夫子之門人

蓋三就焉

謂大成次成小成也

賜有逮及焉有未及焉不得辯



知也未及者爲先就夫子而或止或退未得及已文見也或以子貢違夫子之後有新來者也

子曰吾子之所及請問其行也子貢對曰夙興夜寐

諷誦崇禮行不貳過稱言不苟是顏淵之行也顏回魯人

字子淵也孔子說之以詩詩云媚茲一人應侯順德末言

孝思孝思惟則大雅下武之四章也媚茲一人謂御于天子而蒙寵愛應侯順德逢國君

能成其德孝思惟則此文在前章兼以說之故連言也故國一逢有德之君世

受顯命不失厥名以御于天子以申之於諸侯受爵命未盡其能

在貧如客言安貧也使其臣如藉藉借也如借力然也不遷怒不探

怨不錄舊罪是冉雍之行也冉雍魯人也字仲弓孔子曰有土

君子有衆使也有刑用也然後怒匹夫之怒惟以二

其身

使舉也夫子因其性不好怒故說妄怒之敗也書曰惟辟作威也

詩云靡不有

初鮮克有終以告之

大雅蕩首章也言冉雍能終其行也

不畏強禦不

侮矜寡其言曰性

其言惟陳其性不苟虛妄

都其富哉

仲由亦於政事故能

備治其都也

任其戎是仲由之行也

仲由衛人也字子路一字季路大夫也

夫子未知以文也

節其勇也

詩云受小共大共爲

共一作拱下

國恂蒙何天之寵傳奏其勇夫強乎武哉

駁頌長發之五章也

頌湯伐桀除災之事恂信也言下國信蒙其富詩文爲駿寵或古有二文或以義賦寵傳又爲龍敷

不勝其質恭老恤孤不忘賓旅好學省物而不斲是

冉求之行

物猶事也事省則不慙也冉求字子有冉雍之子爲季氏之宰

孔子因而

語之曰好學則智恤孤則惠恭老則近禮克篤恭以

天下其稱之也宜爲國老

宜爲國之尊也言任爲卿相也

志通而好

禮擯相兩君之事篤雅其有禮節也是公西赤之行

也

公西赤魯人也字子華

孔子曰禮儀三百可勉能也

禮經三百可勉

學而能知

威儀三千則難也

能躬行三千之威儀則難而公西赤能躬行也

公西

赤問曰何謂也孔子曰貌以擯禮禮以擯辭是之謂

也

禮待貌而行辭得禮而發言貌所以擯贊三千之儀也

主人

主言行比在於人

聞之

以成

公西赤聞之以成家語云衆人聞之爲成主或聲誤也

孔子之語人也曰

當賓客之事則通矣謂門人曰二三子欲學賓客之

禮者於赤也滿而不滿實如虛通之如不及先生難

之云先生者猶難之亦所謂先子之所畏也不學其貌竟其德敦其言於

人也無所不信其橋大人也橋高也高大人之人也常以皓皓是

以眉壽皓皓虛曠無長生久視之意且長生久視之術是曾參之行也曾參魯之

南武城人也字子輿齊聘以相楚迎以令尹晉迎以上卿不應其命也孔子曰孝德之

始也天道曰至德地曰道曰德人道曰孝德四代曰

能也動而樂施者天德也安而待化者地德也故天

之德有廣狹矣自餘禮義忠信已下皆為人德因事

則爲禮厚其第德之序也信德之厚也忠德之正也

參也中夫四德者矣哉以此稱之也業功不伐貴位

不善不侮可侮不佚可供不侮可侮者不佚可供者仁之至也不敖無

告夫民之窮無所告者不陵敖之也是顓孫之行也顓孫師陳人孔子張字也孔

子言之曰其不伐則猶可能也其不弊百姓者則仁

也詩云愷悌君子民之父母大雅洞酌之首章也夫子以其仁

爲大也學以深能深致隱顯也厲以斷性嚴厲而能斷決七

性不弘好精微時人無以尚也送迎必敬上友下交銀手如斷是上

商之行也上商衛人字子夏爲魏文侯師銀廉鏞也如斷言便能子張曰子夏之門人洒掃應

對進退出入則可也孔子曰詩云式夷式已無小人殆小雅節之四章

殆近也

而商也其可謂不險也

言其鄰於德也

貴之不喜賤之

不怒苟於民利矣

惟在利民春秋左傳曰上思利民忠也

廉於其事上

也以佐其下

佐助也

是澹臺滅明之行也

澹臺滅明東魯之東武城

人也字子羽魯大夫

孔子曰獨貴獨富君子耻之夫也中之矣

先成其慮及事而用之是故不忘是言偃之行也

魯人也字子游爲武城宰也

孔子曰欲能則學欲知則問欲善則

訊欲給則豫當是如偃也得之矣獨居思仁公言言

義其聞之詩也一日三復白圭之玷是南宮縚之行

也南宮縚魯人也字子容

夫子信其仁以爲異姓

爲以兄之子妻之也周禮

司儀職曰天揖異姓士揖庶姓家語  
曰以爲異事言殊異之士似妄也  
自見孔子入戶

未嘗越履凡在於室卑者之履皆陳於戶外故雖後至而不越焉往來過人不

履影不越人之履不履人之影謙慎之至也開蟄不殺方長不折執親

之喪未嘗見齒是高柴之行也高柴齊人也字子羔爲祁宰孔子

曰高柴執親之喪則難能也開蟄不殺則天道也方

長不折則恕也恕則仁也湯恭以恕是以日躋也此事

於葛恭也教綱者呪恕也詩發頌曰聖敬日躋此賜之所親睹也吾子有命

而訊賜則不足以知賢文子曰吾聞之也國有道則

賢人興焉中人用焉百姓歸焉若吾子之語審茂則

一諸侯之相也亦未逢明君也

茂盛也一皆也

子貢既與衛

將軍文子言適魯見孔子曰衛將軍問二三子之行

於賜也不一而三賜也辭不獲命以所見者對矣

見其

行未知中否請嘗以告

請嘗以對者告也

孔子曰言之子貢

以其質告孔子既聞之笑曰賜汝偉爲知人賜

質由實也

偉爲知人言大爲知人也再言賜者善之

子貢對曰賜也焉能知人此賜

之所親睹也孔子曰是女所親也吾語女耳之所未

聞目之所未見思之所未至智之所未及者乎

言未至者

未及也爲其德廣厚也

子貢曰賜得則願聞之也孔子曰不克



不怠不念舊惡蓋伯夷叔齊之行也

克好勝人忌有惡於人也論語

曰伯夷叔齊不念舊惡然是用希也

晉平公問於祁奚曰羊舌大夫晉

國之良大夫也其行如何

平公博公之子晉侯也祁奚祁午也羊舌瞻羊舌職

父祁奚對辭曰不知也公曰吾聞女少長乎其所女

其闡知之

言居處之詞者桓爲相也

祁奚對曰其幼也恭而遜耻

而不使其過宿也其爲侯大夫也悉善而謙其端也

主於善謙而正

其爲公車尉也信而好直其功也

公車尉公行也詩云

殊異於公行也

至於其爲和容也溫良而好禮博聞而時出

其志也

和容主賓客也

公曰嚮者問女女何曰弗知也祁奚

對曰每位改變未知所止是以不知蓋羊舌大夫之

行也畏天而敬人服義而行信孝乎父而恭於兄好

從善而數往蓋趙文子之行也晉大夫趙武也其事君也不

敢愛其死不苟免於難也然亦不亡其身不免於不義也謀其身不

遺其友君陳則進不陳則行而退陳爲陳其德教蓋隨武子

之行也晉大夫也出掌刑官後受隨范會名也季字也武謚也其爲人之淵泉

也多聞而難誕也不內辭足以沒世國家有道其言

足以生國家無道其默足以容蓋桐提伯華之行也

晉大夫羊舌赤也邑於桐提外寬而內直自設於隱括之中能以禮自

輦直也孔子曰慝括之傍多曲木也

直己而不直人以善存亡汲汲蓋

遽伯玉之行也

衛大夫遽緩也

孝子慈幼允德稟義約貨去

怨蓋柳下惠之行也

魯士師展禽也食萊於柳下惠謚也

其言曰君雖

不量於臣臣不可以不量於其君是故君擇臣而使

之臣擇君而事之有道順君無道橫命晏平仲之行

也

齊大夫晏嬰也

德恭而行信終日言不在尤之內在尤之

外貧而樂也蓋老萊子之行也

楚人隱者也

易行以俟天

命居下位而不援其上觀於四方也不忘其親苟思

其親不盡其樂以不能學爲已終身之憂蓋介山子

推之行也

晉大夫介之推也離騷曰火滋曰封介山封而爲之禁輟號火德之

大戴禮記卷第六